
















# Paul e Clau – L'emprema fatga

## Sligiazion

<p>1. Tontas bunas casarinas Han in tschaffen cun gagglinas. Gl'ei ils ovs, il bien barsau Ch'ei al stumi zun d'engrau. E vul ins in lom tapet, Fultsch'ins plemas dil pulet En las teigias – gliez tegn cauld, Ch'ins en cucca va pli baul.</p>	
<p>2. Vieua Mengia – san ins tscheu e leu – Treis da cresta ha mess neu. Ed in tgiet ha'l en nuegl Che tegn lu bein aviert igl egl! Gest perquei han Paul e Clau Studegiau e planisau.</p>	
<p>3. Taglian spert dad in toc paun Quater tocs – sin mintga maun. Vid filatscha ussa pendan, Ed en crusch fugend els stendan.</p>	
<p>4. Strusch ch'il tgiet da quei fa feda, El tratga: Sapperlot tgei preda! Ed el dat la tibada da rimnada: „Coc, coc, coc“ – tscheu vegn er gia l'armada!</p>	
<p>5. Enguord strunglau han la buccada E strusch feda fan dalla filada.</p>	
<p>6. Mo vulend dapart uss ira, Ferm retegn la rentadira. Vid il fil ein ferm rentadas Las pauprettas enganadas!</p>	
<p>7. Dall'anguoscha prest snarreschan, Peglian catsch e manischeschan Sidangiu e vidaneu, En travers, tgi tscheu, tgi leu.</p>	
<p>8. Vid il fil che lai ca luc Strain las bulas ruc a ruc. La cudria tut sfrenada Ault en l'aria ei sgulada.</p>	

<p>9. Vid in rom, mitgiert e sec.  Pendan tuttas cun lur bec.  Uss nezegia nin craschlar,  Las pauprettas ston carpar.</p>	
<p>10. Aunc in iev avon murir.  Pilver, gl'ei trest e da bargir.</p>	
<p>11. Vieua Mengia enta letg,  Ha sminau il trest discletg.</p>	
<p>12. Spert neutier currida ei,  Tut alterada, mo mirei;  Sogns patruns! Tgei sto'la ver,  Tgei disgrazia, gie pilver!</p>	
<p>13. La vieua bragia uss,  Vi da mauls prest dada fuss.  Siu plascher e siu deletg –  Ei vargaus sco in cametg.  Siu pli car, siu siemi era,  Senza sun vid la pumera.</p>	
<p>14. La finala ha tagliau  La filatscha e spindrau  Dabot gaglia per gaglia  Ed il tgiet lu en furtina.</p>	
<p>15. Pil tgauet las biuas pren  E segeina dad esch en.  Quei dat in bien furtem dumengia  Stulius denton ei il plascher da dunna Mengia.</p>	
<p>16. Quei fuss uss stau l'emprema stucca,  Paul e Clau han l'otra gia sin rucca.  Mo sfegliei cheu immediat  La stucc'entscheiva er sil fiat.</p>	